

Rapport 2/24 vun der Sportskommissioun

Reunioun vum 29.01.2024 um 19:00 am Sall vum Gemengerot zu Téinten

Presenzen

Present	Net present
Arendt Benoît Bausch Pele Everad Thierry Kieffer Aloyse Lesch-Fanck Laure Lucas Patrick Mathias Heike Meyer Louis Reding Sam Reuter Pierre	Brosius Thierry (entschëllegt)

Punkt 1: Dagesuerdnung

Op der Dagesuerdnung stoungen follgend Punkten:

- Detailer Schnuppercours'en: Budget, Logo, Assurance, Reklamm, Datumer, Divers
- Laftreff
- Mail Schäfferot
- Divers

D'Sportskommissioun begréisst d' Stellungnam vum Schäfferot an hirem Mail vum 19.01.24 zu eenzelen Punkten vun de Rapport' en vun der Kommissioun. Hir Stellungnam ass an déi eenzel Punkten vun dësem Bericht agefloss.

Punkt 2: Rapport vun der leschter Reunioun

De Rapport vun der leschter Reunioun gëtt unanime vun de Memberen ugeholl.

Punkt 3: Schnuppercours'en

D' Kommissioun hat beschloss fir an enger éischer Phase dräi Schnuppercours'en unzebidden an zwar Indiac, Yoga a Laftreff fir Ufänger

- **Terminer**

Indiac: Samschdes vun 10:00-12:00 an der Sportshal

Yoga: Dëschdes 19:30-21:00 E bëssen méi "doucen" Yoga
Samschdes, 10:00-11:30 E bëssen méi "aktiven" Yoga

Laftreff fir Ufänger: ee bis zweemol d' Woch, Detailer kommen nach

All déi Cours'en sollen **Mëtt Abrëll** starten bis zur Summervakanz. D' Terminer fir d' Hal an de Multisall sinn bei der Gemeng reservéiert.

- **Budget**

De Indiac huet kéng fest finanziell Virstellungen. D'Madame Pereira vum Yoga hat eis hier Virstellungen schonn an bei der Besichtigung vun der Sportshal matgedeelt.

D'Sportskommissioun huet sech iwwer d' Bezuelung beroden och am Hibleck vum Budget deen der Kommissioun zur Verfügung steet a presentéiert dës a Form vun engem Devis un d' Gemeng (resp. Thierry a Pierre).

- **Reklamm**

D' Gemeng proposéiert fir d' Reklamm iwwert den Service Communication vun der Gemeng ze maachen. Den Indiac huet eis Material (Logo, Fotoen, ...) geschéckt fir esou ee Flyer ze erstellen. D'Madame Perreira wollt eis eng Propose vun engem Flyer fir Enn Januar schécken. De Flyer vum Laftreff ass souwäit fäerdeg. Soubal d' Kommissioun alles zesammen huet schéckt se dës un de Service Communication.

Reklamm soll ab **Mëtt Mäerz** gemaach ginn iwwer d' sozial Medien vun der Gemeng (Facebook, Instagram), Flyeren, Gemengesite an App an am Buet vum Mäerz.

- **Assurance**

D' Kommissioun huet sech gefrot ob eng Assurance fir déi Cours'en néideg ass. De Pierre freet dat beim Gemengerot no fir eng definitive Stellungnam ze kréien.

- **Weider Cours'en**

- Danzveräin vun Bëschdref (Sam Reding)
- Dëschtennis vun Biissen (Everad Thierry)
- Special Olympics (Everad Thierry)

D' Kommissioun ass awer der Meenung déi Aktivitéiten réischt am Hierscht virzegesinn.

Punkt 4: Hëllef bei der Nuit du Sport den 08.06.2024

Hei gi mer nach vum Tina Grohs kontaktéiert wat sech em d' Organisatioun vun der Nuit du Sport këmmert.

Punkt 5: Ufro Collaboratioun Accueil intégré

De Benoît hat eng Ufro kritt vum Ben Ruppert, dem Responsabelen vum Accueil intégré fir Flüchtlingskanner an der Ganzdagesschoul zu Bëschdref. D' Iddi wär fir eemol an der Woch mat dëse Kanner an hiren Elteren Sport ze maachen zesummen mat de Bierger aus der Gemeng. Sou soll d' Integratioun vun dëse Leit gefërdert ginn. Ausserdeem soll der Sport hinnen eng gutt Ofwiesslung bidden.

D' Kommissioun huet nach emol iwwert dëse Sujet diskutéiert a besteet drop dat esou eng Initiative och vun de Kommissiounen Jugend an Integratioun gedroe soll ginn. Fir där Initiative awer eng Chance ze ginn, invitéiert d' Kommissioun de Ben Ruppert an enger vun den nächsten Reuniounen fir esou méi Detailler ze kréien.

Punkt 6: Sportleréierung

De Schäfferot huet eis matgedeelt dat d' Roll vun der Kommissioun doranner besteet een Avis zu der Lëscht mat den Ufroe vun de Sportler ze ginn. Esoubal d' Demande vun de Sportler op der Gemeng era sinn, kritt d' Kommissioun eng Lëscht mat den eenzelen Demande fir een Avis ze ginn op d' Demande valabel ass oder net.

D' Kommissioun proposéiert dem Schäfferot folgend Datumer:

- Éischt Präferenz: 8. Juni 2024 am Kader vun der Nuit du Sport um Site Campus Helperknapp
- 18. Mee 2024
- 15. Juni 2024
- Ze vermeiden ass den 11.05.24 well do den ING-Marathon ass.

D' Sportleréierung kennt mat der Éierung vun den Elèves méritants kombinéiert ginn.

De Schäfferot géif d' Sportleréierung gären am Koschteschbau zu Téinten ofhalen. D' Kommissioun freet sech firwat esou een Event net an der neier Sportshal stattfanne soll. Op alle Fall recommandéiert d' Kommissioun der Gemeng den Termin méiglechst schon am Januar ze kommunizéieren fir de Kandidaten Zäit ze ginn sech ze mellen a fir der Kommissioun d' Geleeënheet ze ginn hiren Avis ofzeginn.

Punkt 7: Verschiddenes

1. **Internetsäit fir de Sport:** D' Iddi ass opkomm fir um Site vun der Gemeng Helperknapp eng Säit unzebidden wou all Sportsveräin aus der Gemeng sech presentéieren kann: Websäit, Email-Adressen, Kontakter, Trainingszäiten an -lokaler, speziell Eventer...

Ze bemierken ass dat et esou eppes änlechschon um Site gëtt an zwar ënnert dem Annuaire communal. Leider sinn d' Informatiounen vun den eenzelen Veräiner oft net komplett. De Schäfferot

proposéiert dat d' Kommissioun bei de lokale Sportsveräiner nofreet wat fir eng Donnéeën si gären um Site vun der Gemeng hätten an de Service Communication kann déi dann um Site bäisetzen.

2. **Fit Kanner Miersch:** D' Kommissioun freet sech ob esou eng flott Initiative net och an der Gemeng Helperknapp méiglech wär. Hei kënnen Kanner ënnert der Begleedung vun Sportseducateuren vill verschidde Sportarten ouni Leeschtungsdruck kenne léieren. De Schäfferot freet hei d'Sportskommissioun fir méi Informatiounen / Detailer zum Projet ze kréien fir eng Decisioun ze huelen.
3. **Sportkomplex:** Anscheinend soll an den nächsten Joren ee groussen Sport Komplex um Gebitt vun der Gemeng Helperknapp entstoën. De Schäfferot deelt mat dat et aktuell nach ze fréi ass fir d' Detailer zum Projet ze ginn, well nach net all Detailer gekläert sinn. Esoubal d' Informatiounen zum Projet zesummefonnt sinn, kritt d' Kommissioun dëst matgedeelt.
4. **Public Viewing Europameeschterschaft am Fussball:** De Schäfferot freet d' Kommissioun fir een Avis zu dësem Thema ze ginn. D' Propose wär, dat d' Gemeng d' Infrastrukturen an d' Material (Beamer, Leinwand, asw) zur Verfügung stellt an d' Veräiner kéinten ofwiesselend fir lessen a Gedrénks suergen.

D' Kommissioun huet laang iwwert dëst Thema diskutéiert:

- Wou? Eventuell um Parking bei der Koll wou den Chrëschtmaart stattfonnt huet.
- Wéini? Ab den ¼ Finallen oder ab den ½ Finallen?

D' Kommissioun huet allerdéngs och Bedenken:

- Wéi ass et mat der Konkurrenz vun den Nopeschgemengen (Miersch, ...)?
- Interesse Konflikter tëscht de Veräiner? (wien kritt d' Finall?)
- Sollt esou eppes net vun engem Fussballveräin organiséiert ginn?
- Wéi grouss ass generell d' Interesse un esou engem Event?

De Punkt bleift emol nach um Ordre du Jour.

5. **Fitnessparcours:** De Schäfferot freet och hei d' Kommissioun fir een Avis. Et sinn zwee Fitnessparcoursen an der Gemeng geplangt. D' Fro ass wéi déi Parcoursen kéinten ausgesinn. D'Sportskommissioun kritt heifir nach d' Kadasterpläng geschéckt wou d' Parcoursen sollen hikommen.

Nächst Reunioun ass den Méinden 26.02.28 um 18:00. Den Benoît schéckt eis nach de Sall an den Ordre du Jour.

Pierre Reuter

Sekretär Sportskommissioun